


SELEKZIOAK: C MULTZOA

BRASIL

ENTRENATZAILEA:
Luis Felipe Escolari

Brasilgo prentsak atzerako joera egotzi dio beti, baina zaleak alde zituela iritsi zen selekzionatzaile iza-tera. Gremio,

Palmeiras eta Kuwaiteko selekzioa entrenatu ditu aurretik.

SISTEMA: Scolarik hiru atzelari-ekin eta atzerako joera duten bi erdilariekin jokatzen du, Brasilen inoiz ikusi ez den sistema. Rivaldo ez dago ondo, baina Ronaldo eta Ronaldinhorekin golak ziurtatuta daude.



ALDE: Talde erraza egokitu zaio: Turkia behin baino ez da izan Munduko Kopa batean (1954), baita Costa Rica ere (1990), eta Txinak debuta egingo du.

KONTRA: Sailkapen fasean hiru hautatzaile izan zituen eta 60 jokalarik baino gehiagok hartu zuten parte. Brasilen berezko estiloa aurkitzea kosta egingo zaio Scolari.

IZARRA: Ronaldo. Romario eta Djáminha ez daude deituta, Rivaldo ez dago guztiz ondo eta Ronaldinhok gazteegia dirudi

oraindik taldea eramateko. Itxaropena, lau urte ondoren, Ronaldoren-gan dago, 1998ko sasoiaren erakusten badi behintzat.



ERALDO PERES / AP
Rivaldo jokalaririk brasildarra gol bat ospatzen elastikoa buruan jarrita.

Magia itzaldu egin da

Inoiz baino sanba gutxiago du Brasilgo selekzioak, itzalduta dago, baina 1994eko Kopa gogoan, denek diote beldurra

Gaur egungo Brasil ez da orain urte batzuetako Brasil. Frantziako Munduko Kopako finala galdu zuenetik, ez dute ibilbidea zuzendu brasildarrek, eta Sydneyko Olinpiar Jokoetan porrot egin zuten. Gainera, Brasilgo Federazioa korrupzioan murgilduta izan da. Munduko Kopa guztietan parte hartu duen selekzio bakarra da, baina oraingo honetan estu eta larri ibili ziren sailkapen fasean, eta azken jardunaldian Venezuelaren aurka jokatu zuen arte ez zuten txartela

eskuratu. Oso irregular aritu dira brasildarrek. Ekuadorren aurka lehenengo aldiz galdu zuten, eta ondoren Paraguai, Txile, Uruguai, Argentina eta Boliviak ere menderatu zuten Brasil.

Gauzak horrela inoiz baino magia gutxiagorekin iritsi da Brasil. Hala ere, kontutan hartu behar da 1994ko Amerikako Estatu Batuetako Munduko Kopara ere estu eta larri sailkatuta iritsi zela, eta azkenean txapeldun izan zela. Scolari entrenatzaileak futbol polita ikusiko dela zin egin du. Bere kezka nagusia go-

lak dira. Goleatzaile garbirik ez da ikusten, eta Brasilen hori ezohikoa da.

Scolari deialditik kanpo utzi ditu Romario eta Djáminha, Brasilekin jokatzeko diziplina beharrezkoa dela azpimarratuz. Iritzi kontrajarriak piztu ditu horiek. Gainera, Rivaldoren osasun egoera oraindik selekzionatzaileak berak ere ez du garbi, eta ikusi egin beharko da nola erantzuten duen.

Baina argi pixka bat ere iritsen zaio Brasili. Lau urteko gurutze bidearen ondoren Ronaldo

lehenengo mailara bueltatzen ari dela dirudi, eta Ronaldinho ere maila oso ona ematen hasi da. Hor dago itxaropena. Bi horiek deialditik kanpo geratu direnak ahaztu arazi ditzakete.

Horregatik, beldur dira aurkariak. Inork ez zuen Brasilen aurka neurtu nahi. Federazioa us-telduta egon arren, klubak krisi ekonomiko larri batean murgilduta egon arren, eta selekzioak orain arteko ibilbide eskasa zuzentzeko gai ez dela dirudien arren, Brasil Brasil da, eta horregatik bakarrik da faborito.

COSTA RICA

Italia gogoan

1990ean Italian jokatu zen Munduko Koparako sailkatu zen Costa Rica lehen aldiz munduko txapelketa jokatzeko. Bigarren fasera iritsi ziren. Orain itxaropen bera dute, baina orduan baino zailagoa izango zaie, Brasil kenduta ere, beste aurkariak gehiago baitira.

ALDE: Alexander Guimaraesek taktikaren zentzua asko handitu du Costa Ricako selekzioan. Otsailan Urrezko Kopan txapeldunordea izan zen.

KONTRA: Atzelariak motelak dira, eta horrek asko ahultzen du selekzioa. Gainera, jokalariek ez dute nazioartekoan esperientzia handirik.

IZARRA: Paulo Cesar Wanchope. Ingalaterrako Ligan esperientzia hartzen ari da, Manchesterren. Azkarra da, pauso handikoa, eta buruarekin ez du barkatzen. sormen handiakoa. Ezustekoa eman dezake.

TURKIA

Itxaropena aurretik


Turkiarrak itxaropen asko dituzte jarrita selekzioarengan.

ALDE: Borrokarako grinak selekzio indartsua egiten du erdialdean.

KONTRA: Günes entrenatzailea oso kontserbadorea da.

IZARRA: Hakan Sükür.

Munduko aurrelari onenetako bat da. Parman jokatzen du, baina selekzioan hazi egiten da. 1,91 da luze eta goitik jaun eta jabe izaten da area barruan.



Hakan Sükür.

TXINA

Beste mirari bat

Munduan biztanle gehien dituen herrialdeari kosta zaio futbolari dagokionez esnatzea, baina azkenean lortu du lehenengo aldiz sailkapena Milutinovic *mirari*en entrenatzaileari esker. Mila milioi pertsonen osatzen duten zalegoa izango du atzean.

ALDE: Arrakastaren aseguru den entrenatzailea du, Bora Milutinovic. Kontraerasoan oso ondo ateratzen dira txinarrak.

KONTRA: Sailkapen fasean multzo erraza izan zuen, eta orain talde handien aurka hori larrutik ordaindu dezake.

IZARRA: Fan Zhiyi. 1995ean Txinako jokalaririk onena izendatua izan zen, eta atzerriara joan zen lehenengo jokalaria izan zen. Zentrala da, eta Milutinovicen ahotsa eta gorputza taldearen barruan.